



Inatsisartut
-/ MAANI

XM2021/8 suliarinninneqarnerani apeqqutinut akissut

Brevdato: 10-05-2021
Sags nr. 2021 - 2771
Akt id. 16710080

2020-imut illassutitut aningaasaliissutinut Inatsisissatut siunnersuut 3. maj 2021-mi Inatsisartunit siullermeerneqarluni oqaluuserineqarmat oqaaseqartut ataasiakkaanit siunnersuutaasup suliarineqartussap saniatigut apeqquteqartoqarpoq. Apeqqutit maanna akineqassaput.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

- 1. Missigersersuusiornermut inatsit malissavisiuk imatut oqartoq, pisortat aningaasaataasa tamakkerlutik missigersersuusiornerat oqimaaqatigiissasoq imaluunniit ukiut sisamat isigissagaanni sinneqartoofiusoq?
(Jens-Frederik Nielsen, Demokraatit)**

Akissut: Missingersuutininik oqimaaqatigiitsitsinermut aalajangersakkat Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersumi §§ 2-5-imi allassimapput. Pingaarnermik § 2-mi ukiut 4-ni pisortat aningaasaqarnermi missingersuutaat katillutik oqimaaqatigiissasut imaluunniit sinneqartoortoqassasoq allassimavoq.

Inatsisartut Inatsisaanni nr. 26, 28. november 2016-imeersumi §§ 2-mit 5-imut aalajangersakkat 1. januar 2019-imit 31. december 2021-mut atorunnaarsinneqarallaput. Tassunga pissutaavoq, missingersuusiornermik naatsorsuiniermut aalajangersakkat amerlasuutigut periutsinut naapertuutinninnerat. Assersuutigalugu, 1. januar 2018-imi kommunit avinneqarnerisa kingorna, aalajangersakkat Kommune Qeqertalimmi aamma Avannaata Kommuniani kingumut missingersuutit inissisimanerannik naatsorsorneqarsinnaannginnera eqqarsaatigineqarnissaanut periarfissiisimangillat.

Taamaattumik Naalakkersuisut kommunini Namminersorlutillu Oqartussani katillugit missingersuutit inissisimanerannik naatsorsuiniermut pisariinnerusumik aamma atoruminarnerusumik inatsisissatut siunnersuummik piaartumik saqqummiussinissartik neriuutigaat. Naalakkersuisulli tamanna sukumiinerusumik oqallisiginissaanut suli periarfissaqarsimangillat, taamaammat tamanna maannamut annertunerusumik itisilersinnaanngilaat.

- 2. Sinerissap qanittuani aalisartut annerusumik ikiorsiissutinik pissarsisimanginnerat Naalakkersuisut qanoq pilersaaruteqarfigaat?
Tassami KNAPK ujartuimmat sinerissap qanittuani aalisartut, minnerungitsumik saarullinniat unammillerfiunngitsumiittut aalisarnerat, imminut akilersinnaajunnaaqasutut oqaatigineqarsinnaasoq,**

**piaarnerpaamik minnerpaamillu 24 mio kr.-inik ikiorsiiffigineqarnissaanik
pilersaaruteqarnersut.
(Erik Jensen, Siumut)**

Aalisarnermut Piniarnermullu Naalakkersuisup tamanna akisussaaffeqarfigaa taamaattumik ataani akissut Aalisarnermut Piniarnermullu Naalakkersuisoqarfik suleqatigalugu suliarineqarpoq. Covid 19 peqqutigalugu inuussutissarsiornerup ilaani atugarisat allanngorput. Aalisarnermut tunngatillugu tunisinermi annertunerusumik killiliisoqanngilaq. Niuernerup inissisimaffianut atatillugu aasaq 2020-mi Naalakkersuisoqarfiit attuumassutillit, KNAPK aamma Sulisitsisut peqatigalugit suleqatigiissitaliortoqarpoq. Suleqatigiissitap suliaa tunngavigalugu piffissami Naalakkersuisuusimasut Aningaasaqarnermut Akileraartarnermullu Ataatsimiititaliaq suleqatigalugu niuernermi akigitat apparneri naapertorlugit ilaatigut matussusiinarluni tapiissuteqartarnek akueraat. Tapiissuteqartarnek 31.12.2020-mi atorunnaarpoq.

Naalakkersuisut sinerissap qanittuani aalisarnerup, pingaarnermi saarullinniarnerup, inissisimavera ilisimavaat. Tamatumunnga atatillugu piffissami matumani Naalakkersuisut pisumut nalilersuiniarput, tassunga ilanngullugu nalunaarutip imarisaa.

**3. Aalisarnikkut takornariaqarnikkut allatigullu Covid-19-ip
eqquinerloqqanera suli 2021-imi aammalumi qularnanngitsumik 2022-imi
sunniuteqartussa q tuuttussaamat suli, Siumumiik paaserusupparput
Naalakkersuisut aningaasaliissutissanik annerusunik aammalu
ikiorsiissutit sivitsorniarneraat qanorlu annertutigisumik
ikiorsiissuteqassamaarnersut.
(Erik Jensen, Siumut)**

Aalisarnermut tunngatillugu immikkoortoq 2-mi akissut innersuunneqarpoq. Inuussutissarsiornermut, Niuernermut, Nunanut Allanut Silallu Pissusaata Allanngoriartorneranut Naalakkersuisup takornariaqarnek akisussaaffeqarfigimmagu, takornariaqarnermi ikiorsiissummut akissut tunngasuinnaq Inuussutissarsiornermut, Niuernermut, Nunanut Allanut Silallu Pissusaata Allanngoriartorneranut Naalakkersuisoqarfik suleqatigalugu suliarineqarpoq.

Tunngaviatigut inuussutissarsiornermut ataasiinnaavimmut tapiissuteqartarnerit sammitinneqartannginnissaat pingaaruteqarlunnaarpoq. Inuussutissarsiornermi tamatigoortumik ingerlatsineq atorunnaarsinneqassaaq, taamaasillunilu piffissaq ungasissoq isigalugu inuiaqatigiinnut annaasaqaataassalluni. Niuernermi suliaqataasut nutaat ilaatigut annerusunik aporfeqalissapput, niuernermilu ineriartorneq annikillinngikkuni tammavissalluni.

Kalaallit Nunaata takornariaqarnerup tamakkiisumik ilaannakuusumilluunniit ingerlaannarnissaa soqutigisaraa, maani nunami nunanilu allani angalasinnaaneq periarfissanngorpat nunap takornariaqarnermi ineriartortitsuassamat.

Kalaallit Nunaannut angalanermik killilersuinerup tunngatillugu naatsorsuutigineqartariaqarpoq, nalimmassaanissaq piffissap ingerlanerani pissamat. Taamaattumik takornariaqarnermut ikiorsiissutit 30. juni 2021-p kingorna atorunnaarpata aningaasalersuinissamat pisariaqartitsinerup pisinnaanissaa mattunneqarsinnaanngilaq.

Maanna nunarsuarmi nappaalaneq 2022-mi takornariat Kalaallit Nunaannut angalasinnaaneranut sunniuteqassanersoq nalorninarpoq.

Ukiuni aggersuni nunarsuaq tamakkerlugu takornariaqarneq ataavartumik annertuumik annikillissagaluarpat, Kalaallit Nunaanni takornariaqarneq piviusumut nutaamut taamaattumut naleqqussartariaqarpoq.

Aaqqissuussinerit suliarineqartussat Inuussutissarsiornermut, Niuernermit, Nunanut Allanut Silallu Pissutaata Allanngoriartorneranut Naalakkersuisumit aamma Aningaasaqarnermut Nunamullu Namminermit Naalakkersuisumit ataatsimoorlutik saqqummiunneqassapput.

Neriuppunga qulaaniittumi apeqqutit akineqartut.

Inussiarnersumik inuulluaqqusillunga



Aasi Chemnitz Narup